

欽定滿洲祭神祭天典禮卷四

求福儀注

求福祭祀前期數日司俎官司俎司香等向無
事故滿洲九家內攢取棉線並紬片敬捻線索
二條紉以小方戒綢各三片釀醴酒前期一日
司俎官二員帶領司俎二人司俎滿洲二人前
往

瀛臺會同奉宸院官員監看砍取高九尺圍徑三
寸完整柳樹一株以黃布袂包裹賁至暫置於

潔淨處屆期安設樹柳枝石於

坤寧宮戶外廊下正中樹柳枝於石柳枝上懸掛
鏤錢淨紙條一張三色戒綢三片

位仍如朝祭儀懸掛神幔供畢大低桌上供香碟三

醴酒三盞豆擦饊九碟燂饊九碟打饊九盤炕
沿下供醴酒一罇西炕南首設求福紅漆高桌
一桌上供醴酒九盞煮鯉魚二大碗稗米飯二
碗水饊子二碗其燂饊豆擦饊打饊皆於桌上
各以九數層疊擺列高桌後西炕上設褥二以

練麻一縷繫於神箭之上以九家內攢取之各色棉線捻就線索二條暫懸掛於神箭上神箭立於西炕下所設酒罇之北其捻就黃綠色棉線索繩上以各色綢片夾繫之其本則繫於西山牆所釘鐵環末則穿出戶外繫於柳枝司香婦人等鋪叩頭黃花紅氈

皇帝

皇后親詣行禮入

坤寧宮立於南首司俎首領太監司俎太監等如

朝祭儀席地列坐奏三絃琵琶鳴拍板司祝進
擎神刀誦神歌禱祝三次每次禱祝則太監等
歌鄂囉羅禱畢司香舉線索練麻神箭授於司
祝司香及司香婦人舁西首所設求福高桌出
於戶外供於柳枝前司祝左手擎神刀右手持
神箭出進於桌前立司香婦人於檻內鋪黃花
紅氊

皇帝居中

皇后在檻內東首跪司祝於桌之右首對柳枝舉揚

神前以練麻拂拭柳枝初次誦神歌禱畢司祝
東向鞠躬舉神箭奉練麻於

皇帝

皇帝三持而懷之鳴拍板之太監等歌鄂囉羅司祝
二次舉揚神箭誦神歌禱畢仍奉練麻於

皇帝

皇帝仍三持而懷之太監等歌鄂囉羅司祝三次舉
揚神箭誦神歌禱畢奉練麻於

皇后

皇后亦三拊而懷之太監等歌鄂囉羅

皇帝

皇后一叩頭興坐於西炕所鋪褥上舉桌上所供之
酒灑於柳枝上以桌上所供之糕夾於柳枝所
有枝叉之間進求福高桌置於原處司祝入進
於

神位前舉揚神箭誦神歌禱畢奉練麻於

皇帝

皇帝三拊而懷之如前儀司祝二次舉揚神箭誦神

歌禱畢仍奉練麻於

皇帝

皇帝仍三拊而懷之司祝三次舉揚神箭誦神歌禱
畢奉練麻於

皇后

皇后三拊而懷之如前儀每一拊太監等仍歌鄂囉
羅司祝以神刀授於司香取神箭上所繫之線
索二條其神箭亦授於司香司香以神箭置於
原處

皇帝

皇后興

皇帝進於

神位前跪於常祭行禮處一司祝奉線索一條於

皇帝繫掛一司祝奉線索一條於

皇后繫掛一司祝於西首跪祝祝畢一叩頭興合掌

致敬

皇帝

皇后同一叩頭興

皇帝

皇后仍坐於西炕所鋪褥上司祝及司香等以所供福胙盛於碟內請

皇帝

皇后受福受福畢

皇帝

皇后興還宮所餘

福胙均不令出戶俱分給司俎及宮中太監等食之不使稍有餘剩魚之鱗刺司俎官等持出投於

潔淨河內柳枝上所夾之饌亦令衆人食之不
使稍有餘剩其夕祭求福如夕祭儀繫幔於架
上安奉

神位炕上設二大低桌桌上供香碟五醴酒五棗豆擦
饌九碟燂饌九碟打饌九盤司祝繫裙束腰鈴
執手鼓如常祭儀誦神歌禱祝太監等仍擊鼓
鳴拍板禱祝畢司祝釋裙與腰鈴祝禱叩頭

皇帝

皇后行禮如夕祭儀叩頭畢所供之

福胙亦不令出戶卽釀酒所餘糟粕俱做爲糜粥分
給司俎及宮中太監等食之食畢取柳枝所繫
線索收貯囊內仍懸掛於西山牆其柳枝司俎
官司俎及司俎滿洲等送赴

堂子至除夕同神杆淨紙化之

皇帝

皇后所掛線索過三日後解下

皇后親持入

坤寧宮授於司祝司祝接受貯於囊內懸掛之

皇后一叩頭還宮

欽定滿洲祭神祭天典禮

樹柳枝求福司祝於戶外對柳枝舉揚神箭
誦神歌禱辭

佛立佛多鄂謨錫瑪瑪之神位某年生小子某

年生小子

爲某人祭則呼
某人本生年

今敬祝者聚九家之

綵線樹柳枝以牽繩舉揚神箭以祈福佑以致

敬誠憫我某年生小子憫我某年生小子

爲某人祭

則呼某人
本生年

綏以多福承之於首介以繁祉服之

於膺千祥薈集九敘阜盈亦旣孔皆福祿來成

神兮貺我神兮佑我豐於首而仔於肩衛於後
而護於前畀以嘉祥兮偕老而成雙兮富厚而
豐穰兮如葉之茂兮如本之榮兮食則體腴兮
飲則滋營兮甘旨其獻兮朱顏其鮮兮歲其增
而根其固兮年其永而壽其延兮

朝祭

神前求福祝辭

上天之子佛及菩薩大君先師三軍之帥關聖
帝君佛立佛多鄂謨錫瑪瑪之神位某年生小

子某年生小子

爲某人祭則呼
某人本生年

今敬祝者聚九

家之綵線樹柳枝以牽繩舉揚神箭以祈福佑

以致敬誠憫我某年生小子憫我某年生小子

爲某人祭則呼
某人本生年

綏以多福承之於首介以繁祉

服之於膺千祥薈集九敘阜盈亦旣孔皆福祿

來成神兮貺我神兮佑我豐於首而仔於肩衛

於後而護於前畀以嘉祥兮偕老而成雙兮富

厚而豐穰兮如葉之茂兮如本之榮兮食則體

腴兮飲則滋營兮甘旨其獻兮朱顏其鮮兮歲

其增而根其固今年其永壽其延兮

夕祭

神前求福祝辭

上天之子年錫之神安春阿雅喇穆哩穆哩哈

納丹岱琿納爾琿軒初恩都哩僧固拜滿章京

納丹威瑚哩恩都蒙鄂樂喀屯諾延佛立佛多

鄂謨錫瑪瑪之神位某年生小子某年生小子

爲某人祭則呼某人本生年今敬祝者聚九家之絲線樹柳

枝以牽繩舉揚神箭以祈福佑以致敬誠憫我